

LICENSED PRODUCT

KODAK Gray Scale

說約  
合叢  
**四書正解**  
論語子罕  
卷之十

413  
863  
10

30  
25  
20  
15  
10  
5

四書大金說約合參正解卷之十

祁昌穀天祚

正十五年二月  
齊氏寄贈

丹陽吳荃荔石彙輯

受業門人范倫俊升仝校

論語

子罕第九

凡三十一章

汪繼堪子任

子罕章全旨

此見聖教之所謹，道章要誌。罕字非不言，亦非常言。雖偶言，亦不多言。罕之意，利防學者趨平，此罕言。

命與仁以學者未易反此，皆處世之深心也。

子罕言利與命與仁

罕少也，程子曰：「計利則害義，命之

理微，仁之道大。」皆夫子所罕言也。

合參夫子有所罕言以爲教者有三：一日利如几，做事只循這道理，做去利自在其中。若纔說着利，少間便使人人生計較，計利則害義。故罕言之，不欲人之淪于卑汚也。二日命命原，

於天其理甚微，非造道之深者不能知。苟知未及，而驟語之，反使人人有幽隱之疑，故與利而同罕言也。一日仁、仁統萬善，而其道甚大，非全體不息者不能至。苟德未至而遽語之，反使人人有蹤等之患，故亦與利而同罕言也。此

蓋不欲人驚于虛遠也。其處世之心深矣。

析講麟士大都是三者不言之固不可常言之，又不可故罕言之，題竅似只在此也。○審義之利不輕言，卽義中之利亦不輕言。○理微則難知，言之恐人妄臆，道大則難盡，言之恐人蹤等也。○或問夫子罕言者乃放于利之利，若利用出入乃是義之所安處。朱子曰：利用之利亦不可去尋討，尋討乃便放于利之利。○玩誣命之理，微則此命字當以理言，不並氣言。若氣數之命，所以屬中人，夫子亦嘗言之，如道之將行，也與命也得之不得曰有命亾之命矣。夫之類是也。胡氏曰：夫子答問仁多矣，然亦言求仁之方而已。仁之本體，則未嘗言。○命與仁卽性，與天道也。仁卽性之全體，命卽天道之流行。賦于物者中人以下，難以譯上，故罕言之意，本虛齊及慶源。

韓氏

### 達巷章全旨

此章當與多能章參看，總是不貴博之意。黨人曰：可

博夫子以執事對他，博字蓋恐人務博而無所成名也。觀謂門弟子五字，可見射御緊對成名，說益射御極可能名者也。然亦只是註中承之以議意，黨人非深知孔子，孔子亦不與之深言。若認真夫子欲執御以成名，又是癡人說夢了。

### 達巷黨人曰：大哉孔子博學而無所成名。

達巷黨名，其人姓名不傳，博學無所成名。

蓋美其學之博，而惜其不成一藝之名也。

參序有達巷黨之人者，私謂孔子曰：大哉孔子乎，無不知，無不能，誠博學也。而惜卒無所成名，蓋況衆藝反不得以一藝稱之也。

### 子聞之謂門弟子曰：吾何執？執御乎？執射乎？吾

析講博學學字，紹射御爲本，非甚深之一詞，猶太宰之云多能耳。蒙引聖人之大精粗本末，一以貫之。黨人只就粗末上舉聖人翼註名，非名譽，各自也。

# 執御矣

執專執也。射御皆一藝而御爲入儀所執尤卑。言欲使我何所執以成名乎。然則吾將執御矣。聞人譽已承之以謙也。○尹氏曰：聖人道全而德備不可以偏長目之也。達巷黨人見孔子之大意其所學者博而惜其不以一善得名於世。蓋慕聖人而不知者也。故孔子曰：欲使我何所執而得爲名乎。然則吾將執御矣。

參存疑夫子聞人美已承之以謙却犯博學都放下只認無所成名。一邊謂門弟子曰：他言無所成名緣我不曾耑執一藝耳。吾將何所執以成名乎。天下有以御名者有以射名者將執御之事以成名乎。執射之事以成名乎。二者之中御爲尤易。然則吾將御而耑習之矣。蓋欲至。

各六藝之卑則謙而又謙之詞也。

析講吾執御矣。只說執射較難執御較易執御便了。○黨人之意蓋以學之博固可嘉而名之不成亦可惜。欲夫子以一藝成名也。夫子只認着無所成名而欲執一藝以成名承之以謙也。執御乎。二句是自己審度之詞。吾執御句亦不是認。

真決斷語見得隨所執而皆可成名隨所名而皆可寓道也姑借以回答黨人曰：微示門弟子以吾道簡易欲期隨處未道而在博也時解有不貴執不貴名諸說皆與註旨不必從。

## 麻冕章全旨

此聖人維禮之意。麻冕變爲純拜下變爲拜上。皆禮之變以可從引起不可從所以嚴上下之分。非徒商一已之從違已也。上節輕下節重。○趙氏曰：麻冕之變人心漸薄。卽拜上之漸也。但制度文爲之細猶可以隨時至干係乎。平三綱五常者萬世而不容易。從違全在此處斟酌耳。

## 子曰：麻冕禮也今也純儉吾從衆。

參序子曰：積麻爲布而縕之以爲冕者古禮也。今也改用絲爲之。輿之麻其工夫省約而儉儉雖非禮然無害于禮。吾從衆而用絲焉。不敢矯俗爲也。

析講麻績麻爲布似今極細綢一般謂之錦布冠者染布爲赤黑色也冠者首服之總名冕者冠中之別號大約是朝祭之服備考白虎通曰麻冕者何周宗廟之冠也所以用麻者女功之始示不忘本不以皮皮太古未有禮文之服也麟士曰麻冕見六經則惟書頤命王麻冕黼裳卿士邦君麻冕蟻裳太保太史太宗皆麻冕形裳也

### 拜下禮也今拜乎上泰也雖違衆吾從下

臣與君行禮當拜於堂下君辭之乃升成拜泰驕慢也○程子曰君子處世事之無害於義者從俗可也害於義則不可從矣

參序臣之拜君必于堂下亦古禮也今也不待君之辭遂拜于堂上是驕慢而泰也悖禮甚矣雖違衆吾從拜下之禮不敢徇俗爲也

析講大全饒氏曰先已拜于堂下而君辭之則是不曾受其拜故升堂再拜以成之孔子時若弱臣強德自拜于堂上故夫子云然禮燕義云君舉禮于賓及君所賜辭皆降再拜稽首升成拜明臣禮也君答拜之禮無不答則君上之禮也○

### 子絕章全旨

此章總見聖心之虛四者皆是私心本來心體原無此四者聖人完全此心體卒然洞然何有四者要就聖人心上看自然無私境界方與強制之學不同

齋曰四者約言之只是廓然太公物來順應而已

### 子絕四母意母必母固母我

絕無之盡者母吏記作無是也意私意也必期必也固執滯也我私已也四者相爲終始起於意遂於必留於固而成於我也蓋意必常在事前固我常在事後至於我又生意則物欲牽引循環不窮矣○程子曰此毋字非禁止之辭聖人絕此四者何用禁止張子曰四者有一焉則與天地不相似楊氏曰非知足以知聖人詳視而默識之不足以記此

希大全太凡常人之心有私每有四者之累我夫子則還其本然之體而絕無是四者焉方事之味爲也渾然天理不任私意揣測之私不萌也則母意隨事順理不先期必而主之

見悉忘也。則毋必及事之已爲也。遇而不留。無所凝滯。蓋與物俱化也。則毋固大同。于物不私。一身益視人猶已也。則毋我此心自始至終廓然虛公如鑑空水。

止非純乎天而不間以人者其孰能之。

析講邢疏母不也。蒙引本文無循環意集註推說只用前

註。○朱子曰上章聖人處世之道此章聖人天理之純。

王

觀濤曰意字只是著意有意爲不善固私也有意爲善亦私也必是必定要如何必定要不如何固對通言時已移而心不移事已遷而心不遷便執滯不通我是私已亦不必是利己不顧人只一念知有我在便是私已。

胡氏曰意不可無然必根于理而後發此獨以意言則私心之發也。

意必在方有作爲之先固我在已有作爲之後

子畏章全旨此聖人以斯文之興喪決此身之存亡而外患無所動心从事天立命之學

## 子畏於匡

畏者有戒心之謂。匡地名史記云陽虎曾暴於匡。夫子貌似陽虎故匡人圍之。

曰文王既沒文不在茲乎。

道之顯者謂之文。蓋禮樂制度之謂不曰

道而曰文亦謙辭也。茲此也孔子自謂

參序時弟子之從者不能無懼故夫子解之曰道無因文而顯亦必得入而傳。昔堯舜禹湯之統傳之于文王今文王雖既沒而其所傳如禮樂制度之文不在于茲乎。文既在茲則吾身之存亾斯文之興喪係之矣

析講太全胡氏曰文王接堯舜禹湯之統皆天也。紂能因之卒王不能違天而害文王。匡人能圍夫子不能違天而害夫子。

文卽是道照註謙詞看極明不必過爲分別。

天之將喪斯文也後死者不得與於斯文也天之

# 未嘗斯文也 匡人其如予何

喪與並去聲

馬氏曰文王既沒故孔子自謂後死者言天若欲喪此文則必不使我得與於此文今我既得與於此文則是天未欲喪此文也天既未欲喪此文則匡人其奈我何言必不能違天害已也

參序夫斯文興喪有天意存焉使天之意將喪斯文而不傳于後也則我後文王而死者天之所賦必有所斬將不得考述其禮樂脩明其制度以與于斯文也今我得與于斯文是天之意未欲喪斯文也則予之一身禮樂制度所由係天必爲斯文計而默祐我矣彼匡人者其奈之何哉

此我所恃以無恐也而一十三子又何患乎

析講太全金氏曰周未文武周公之禮樂悉已崩壞紀綱文章亦皆蕩然無有夫子集群聖之大成酌損益以詔來世又作春秋立一王之法是得與斯文也○語類言在茲便是天未喪斯文後死者死字對上沒字○問孔子以道之興廢付之命以文之得喪任諸己曰道只是有典廢却喪不得不如今三代禮樂制度若喪便掃地○麟士云將喪未喪商量平判

之詞後死句匡人句互文見意也○天以天意言也○合上節總言斯文在已則天意亦在已見匡人不能違天以害已也○陳新安曰道者禮樂制度之本禮樂制度者道之寓道無形體顯設爲文而後可見耳○曰文在茲者言三代禮樂吾知其損益百王典章吾知其因革責任在我有不可得而諉也不曰喪已而曰喪斯文蓋已之身卽斯文之所在也

太宰章全旨此章當以夫子之言爲重太宰耑以多爲聖子貢

亦未離乎多夫子明多能不足以貴晚太宰亦以曉

子貢也未節雖是証少時多能而不多之旨益見矣謂多能則聖也

# 太宰問於子貢曰夫子聖者與何其多能也

大音泰與

平聲○孔氏曰太宰官名或吳或宋未可知也與者疑辭太宰蓋以多能爲聖也

參存疑太宰問于子貢曰夫子其生知之聖人歟不然何其禮樂射御鉤弋獵較之類無所不通而多能如此也是太宰謂多能則聖也

析講太宰與黨人之見略同然黨人之太宰其詞決太宰之聖夫子其詞疑其識見較淺多能當不得才乃才之末事

也。杜氏曰春秋時以太宰名官者惟吳宋與魯耳吳有太宰嚭宋有太宰華督華督與孔子不同時晏此太宰卽吳嚭也吳與魯會繕嚭召季康子康子使子貢往焉則此當是吳太宰而亦當在此年也

## 子貢曰固天縱之將聖又多能也

縱猶肆也言不爲限量也將殆也謙若不敢知

之辭聖無不通多能乃其餘事故言又以兼之參存疑子貢曉之曰子以多能遂足盡聖乎之夫子爲人固是天纵之而不爲限量使之有那等才德殆將次造聖人之極是以聖無不通又如此之多能也不苟在于多能也析講註聖無不通正是解又多能意當安在多能上○蒙引固字不必做實字解與又字相應○朱子曰殆庶幾也如而今說將次○縱字要認蓋不但使之生知安行而且縱之以知至行盡也若但云生知安行凡聖人皆然矣重天縱句末句只帶說聖以才德兼備言聖無不通所該者廣而多能特無不通之小事子貢之言已說得好但亦似謂多能出于天而通于聖實非夫子所由多能之故夫子故卽曉太宰者而

## 子聞之曰大宰知我乎吾少也賤故多能鄙事君子多乎哉不多也

因以曉之

言由少賤故多能而所能者鄙事爾非以聖而無不通也且多能非所以率人故又言君子不必多能以曉之參存疑太宰以多能爲聖此全不知聖人其言非也子貢因天縱之將聖又多能此智足以知聖人其言是也夫子皆聞之不敢以聖自居又恐人以多能爲尚乃自明其意曰太宰謂我多能却知我多能之故乎我這一個多能亦有其故不是聖也蓋吾少也未爲世用無位而微賤故無行道之責得講習衆藝而多能鄙末之事耳然君子所重豈在多能乎哉君子自有執要者存而不在多能也然則以我爲聖固不敢當而以聖在多能尤失之遠矣

析講君子多乎哉一句不是謙詞特以多能非所以率人故又以此曉之其實聖人未嘗不"多能"特以之率人則必至循末忘本尙才棄德矣露出君子字面避聖字也○按註意則

故多能鄙事中多一折。聞之兼聞兩人之言也。不說賜知我而曰太宰知我是不敢以天縱之聖自居也。口中雖說太宰知我言外便見得太宰不知我所以多能之故說個多能鄙事恐人遂以多能爲聖也。此三句正打着兩人之言君子多乎二句又另是一意。蓋前三句是謙已後二句是誨人也。

南軒張氏曰

多能雖不害其爲君子然爲君子不在乎多能

## 牢曰子云吾不試故藝

牢孔子弟子姓琴字子開一字子張誠用也。言由不爲世用故得以習於藝而通之。○吳氏曰弟子記夫子此言之時子牢因言昔之所聞有如此者其意相近故并記之。參淺說夫子之言如此而琴牢亦曰夫子嘗言吾不試故藝此亦夫子少也賤故多能之意也。惟不試而習于藝則藝豈君子之所貴哉。知夫子之所以聖者宜有以得其本矣。析講此節門人記夫子之言又以琴牢之言實之。問吾不試故藝朱子曰想見聖人事事會。但不見用所以人只見得小小技藝若使其見用便做出大功業來不復有小技之可見矣。

## 吾有章全旨

此章只重無知上鄙夫以下總申明此意蓋因

問中之所有而問之。始之未嘗參。一分識解。正見其無知也。兩端只作所問之終始本末看。

方與叩其字相應而上下精粗俱該在內。

予曰吾有知乎哉無知也。有鄙夫問於我空空如也。我叩其兩端而竭焉。叩音口。

孔子謙言已無知識但其告人雖於至愚不敢不盡耳。叩發動也。兩端猶言兩頭言終始本末上下精粗無所不盡。程子曰聖人之教人俯就之若此猶恐衆人以爲高遠而不親也。聖人之言必降而自卑不如。此則人不親賢人之言則引而自高不如。此則道不尊。觀於孔子孟子則可見矣。尹氏曰聖人之言上下兼盡卽其近衆人皆可與知極其至則雖聖人亦無以加焉。是之謂兩端。如答樊遲之問仁知兩端竭盡令參當時必有稱夫子無所不知者。故夫子謙以辭之。曰天下之事理無窮。一人之聰明有盡。吾有知乎哉實無所知也。

但吾平日教人必盡其誠不待上哲而後告也即或有鄙夫來問于我在他雖是空空如也却不敢以其愚而忽之所以告之者務必罄吾所知就其問之所及發動其兩端之理而無一之不盡焉人見我之諄諄謨人遂以

我爲有知耳我不過因問而答果何所知耶

析講此聖謙已之意然能叩兩端而竭于此亦可見其無不  
知矣○太全蔡氏曰兩端屬鄙夫叩其兩端而竭是叩觸其  
端緒因而竭之以鄙夫之解釋鄙夫未常益以我之意見正  
以明其無知也○淺說竭兩端只是言之盡耳蓋其一言之  
發雖就鄙夫之可知可行者言之而要之至理亦不外是也  
按夫子意猶云人或見我之告語詳盡而遽以爲有知云耳  
我何有知哉○竭字不重教人無隱重在胸中無復餘物  
之意與無知相應○人必于事事物物之理無不曉方可  
稱得有知夫子雖無所不知却不敢自恃其知故曰無知詐  
中謙言二字宜玩時解說向心體空然洞然虛靈無生意上失  
之遠矣空空如狀鄙夫之無能貌兩端猶言頭尾竭兩端言  
徹頭徹尾都盡也曰其兩端者蓋鄙夫每問一事則此事之  
頭尾卽具于問中夫子特發勤之而詳悉告之耳如問孝則

# 子曰鳳鳥不至河不出圖吾已矣夫

扶

鳳靈鳥舜時來儀文主時蟲於岐山河圖河中龍馬負圖伏  
羲時出皆聖主之瑞也已止也○張氏曰鳳至圖出文明之  
祥伏羲舜文之瑞不至則夫子之文章知其已矣

參序子曰古有聖主則鳳至圖出蓋治世之休徵也今鳳鳥  
不復至河不復出圖吾其終已矣夫莫有用我者而道其不行也

析講太全輔氏曰聖人之道行則文章著見于外禮樂制度

之類也而鳳至圖出以兆文明之祥鳳以其文采圖以其卦  
畫也○按通義來儀謂來舞而有容儀也晝庄伏羲王天下  
龍馬出河遂則其文以畫八卦謂之河圖其數一十六星下二  
七居上三八居左四九居右五十星中○河圖之序自北而  
東左旋而相生然對待之位則北方一六水魁南方二七火

西方四九金見東方三八木而相尅者寓乎相生之中益造化之理生而不尅則生者無從裁制足見河圖生尅之妙。子見章全旨敬愛之心感于內而作趨之容見于外有自然而然不知其所以然者聖人至誠故表裏皆如此。

# 子見齊衰者冕衣裳者與瞽者見之雖少必作過

之必趨

雷反少去聲

齊衰喪服冕冠也衣服裳下服冕而衣裳貴者之盛服也瞽無目者作起也趨疾行也或曰少當作坐○范氏曰聖人之心哀有喪等有爵祿不成人其作與趨蓋有不期然而然者尹氏曰此聖人之誠心內外一者也

參序記者說吾夫子平日見齊衰而有喪者冕衣裳而有爵者與瞽而不成人者夫子或坐而見之雖彼年少于我我必作焉夫子或行而過其前則必趨焉因其可哀可尊可矜而改容禮之不因其少而忽之也仁孝

敬愛之心卒積于中隨感而應如此

析講沈虹野曰見之我坐而見彼之行過也過之彼坐而我

行過見之也○子見二字包下見之過之見之內含得坐字與子見不是復文

# 顏淵章全旨

此章是贊聖道之妙總是顏子得力追憶語首節嘆聖道之妙次節言聖教之有常末節言其學之所至而益見聖道之妙○圈外胡氏說不可執益纔說先難便以首節爲顏子用功處了纔說後獲便已得了與末節參

註顏子自言其學之所至一句相背矣不知顏子此嘆正在高妙若終非人力所可至者仰鑽瞻忽就顏子見道說不可下雖欲從之未由也已之時故不覺其喟然首節形容聖道之便以仰鑽瞻忽就鑽用九說用力都在欲罷不能上顏子一得夫子之教便去着力及着力之盡又到力着不得處故益見聖道之妙耳○朱子曰高堅前後始時之所見也博文約禮中間用力之方也欲罷不能以後後來得力之效驗也○仰鑽瞻忽是一個關姐有所立卓爾又是一个關若不是夫子循循善誘便高堅前後終無下手處惟其如此所以過得這一關博了又約約了又博恁地做去所以欲罷不能至于如有所立卓爾處見得大段親切了那末由也已一節却是着力不得處博文約禮是着力得處也

顏淵喟然歎曰仰之彌高鑽之彌堅瞻之在前忽

焉在後

喟苦位反

鑽祖官反

喟歎聲仰彌高不可及鑽彌堅不可入在前在後恍惚不可爲象此顏淵深知夫子之道無窮盡無形體而歎之也參大全顏淵學既有得因喟然而歎曰甚矣夫子之道之妙也始吾于夫子之道蓋常欲多方以求之矣以道爲高也而仰之則升一級又有一級仰之益見其高以道爲堅也而鑽之則透了二層又有二層鑽之益見其堅瞻之若道在吾前正欲勇猛趕上則忽又在後而我又蹉過回凡窮矣哉析講大全朱子曰顏子仰鑽瞻忽不是別有個物事只是做來做去只管不到聖人處若做得緊又大過了若放慢做又不及聖人則動容周旋都是這道理。仰之二句是無窮盡瞻之二句是無方體高堅是說難學前後是說捉摸不得總是形容聖道之妙起初全無入頭處非道真有所謂高堅所謂前一後也

未子循循然善誘人博我以文約我以禮

循循有次序貌誘引進也博文約禮教之序也言夫子之道雖高妙而教人有序也侯氏曰博我以文致知格物也約我以禮克己復禮也程子曰此顏子攝聖人最切當處聖人教人惟此二事而已

合參夫四之求道如此其艱而終未有捉摸處幸夫子之設教則循循然有序而善于引人之進焉道之散見于事物者則爲文文有不博則無以見道于萬殊夫子則先博我以文教我致知格物可以辨别衆理而居之不偏道有規矩准繩者則爲禮禮有不約則無以會道于一本夫子則隨約我以禮教我克己復禮可以揆存依據而動皆有則使我以身體之切寔用功如此

析講大全馮氏曰夫子教人之法皆然惟顏子求道切識道真有以見夫子之爲義設爾○文不止詩書六藝凡萬事萬物燦然發見者皆文禮卽克己復禮之禮體此理于身而視聽言動皆有規矩便是禮文卽是禮之散殊禮卽是文之統會學問必窺其理是曰博文凡事必循其則是曰約禮博文

欲罷不能既竭吾才如有所立阜爾雖欲從之未由也已

條相多事事都去理會禮只一個道理爲博文歸宿處○以文來教便是博我以文以禮來教便是約我以禮博我約我就聖人設教言文與禮就吾身知行一言博約以先後言方見有序意蓋博先于約既非徑約者之寡陋而無得博繼以約又非徒博者之汗漫而無歸故曰循循善誘饑雙峯曰先博我以文以開廣我之知識然後約我以禮使我于視聽言動上皆由于規矩準繩而所守得其要○朱子曰所謂循循有次序者非特以博文約禮分先後序博文約禮中各有一次序先後淺深此尤更透

阜立貌未無也此顏子自言其學之所至也蓋悅之深而力之盡所見益親而又無所用其力也吳氏曰所謂阜爾亦在乎日用行事之間非所謂窈冥昏默者程子曰到此地位功夫尤難直是峻絕又大段著力不得楊氏曰自可欲之謂善充而至于大力行之積也大而化之則非力行所及矣此顏子所以未達一閒也○程子曰此顏子所以爲深知孔子而善學之者也胡氏曰無上事而喟然歎此顏子學既有得故述其先難之故後得之由而歸功於聖人也高堅前後語道體也仰鑽瞻忽未領其要也惟夫子循循善誘先博我以文使我知古今達事變然後約我以禮使我覺所聞行所知如行者之赴家食者之求飽是以欲罷而不能盡心盡力不少休廢然後見夫子所立之卓然雖欲從之其無也已是蓋不急所從必求至乎阜立之地也抑斯歎也

其在請事斯語之後三月不違之時平  
參金氏曰孟敬領夫子博約之教日從事于文禮之中百倍其功交進互發日見趣味故悅之既深雖欲罷其博約之功而自不能已博之又博約之又約凡吾之才力所可用者既皆竭進無餘及其久也義理昭明本心純熟向之高堅者今事接物雖精粗巨細萬變不同莫不各有所偏不倚無過不及道理如有所立于吾前而阜爾可見者當此時豈不欲盡力以求至乎從容中道之處然勉可以力而几化不可以力而進雖欲進而與之爲一未可也巴固仍將勉焉不熊已

矣

析講朱子曰卓爾是聖人之大本立干此以醇醇萬變處有前日高堅前後底今看得確定親切不似向來無捉摸處○金氏曰其曰如者非謂似見未見蓋此等地位非可以言語形象求達者自悟衆人固不識也故以如言之○卓立王見得真言此見得又不是徒知而不能行卽是在日用行事間體認得真也但不能如夫子行得熟耳○未由不是休了不用力只是工夫比前更細循循養將去○王觀濤曰卓爾從杖由俱指定夫子之道說不是泛說道立是立在前猶然從杖由俱指定夫子之道說不是泛說道立是立在前猶與我爲一也從是跟上去與之爲一也要挹卓爾未出連看勿斷左得其趣蓋此時分曉見得却又着力不得所以極深知其妙言外便有勿忘勿助以俟之意不可不將末二句輕看○顧廣雅云孟子曰聖而不可知之謂神至高至堅忽前忽後非卽所謂神焉者乎然其道不過一以貫之之道而已一散於萬殊必觀其會通故須博一具于吾身必行其典禮故須約日從事于博約則善無不明身無不誠所謂殊途同歸時措咸宜之理確有真見如爲臣知其何以忠爲子知其何以孝當行知其可以行當藏知其可以藏時中之道固已

知之明而守之固是謂立卓然猶蓍揲未化矜持欲從而非從欲未能與之爲一故曰未內也已此所謂大而將化者進此則神不可知矣○此節言得少于夫子之教故見道既真而化終不可爲也莊中悅之深貼欲罷句之盡貼竭二十句緊承博約來所謂如行者之赴家食者之求飽自是歇手句所見益親貼卓立句無所用其力貼欲從杖由句欲罷高堅前後境界迥然不同但猶出于九索不能如夫子之從心不踰耳○存疑既竭吾才卽下學之功已盡到此時凡聖人所能知能行底都無不知不能了所爭者猶有思勉耳此章見夫子之素位而行首節是子路尊聖人之過下二節既責之而復獎之

## 子疾章全旨

夫子時已去位無家臣子路欲以家臣治下

其喪其意實等聖人而未知所以尊也

合參疾甚田病子夾子路懼其不謹而豫筮之詳以夫子

嘗爲夫子欲使其弟子爲家臣以治其喪不知夫子時已去

位無家臣是未知所以尊之道也

析講麟士云大夫有家臣以治喪事蓋以刑殺者多故各分職以治之士庶人則委之于親友古者孝子不治喪事也○直解云門人是子路之弟子觀使字可知胡氏曰此必夫子失司寇之後亦致其事之前也若要莫歸子路死于衛久矣夫老而致仕後得從其列無家臣者無祿故也

病間曰久矣哉由之行詐也無臣而爲有臣吾誰欺欺天乎

間如字

病間少差也病時不知既差乃知其事故言我之不當有家臣人皆知之不可欺也而爲有臣則是欺天而已人而欺天莫大之罪別以自歸其責子路深矣

參序及夫子病少間知子路之說乃日久矣哉由之所行不循實也我今既去位已無家臣矣而乃自以爲有家臣竟于誰人而能欺之其將欺天已勞何由之行詐而使我蒙欺天之罪也則家臣不當有也明矣

詐講朱子曰久矣不得指那一事是指從來而言子路一時析謂朱子曰久矣不得指那一事是指從來而言子路一時

且予與其死於臣之手也無寧死於一二子之手乎且予縱不得大葬予死於道路乎

無寧寧也大葬謂君臣禮葬死於道路謂棄而不葬又愧之以下必然之故○范氏曰曾子將死起而易箦曰竟得正而葬焉斯已矣子路欲尊夫子而不知無臣之不可爲有臣是以商於行詐罪至欺天君子之於言動雖微不可不慎夫子深懲子路所以警學者也楊氏曰非知至而意誠則用智自私不知行其所無事往往自陷於行詐欺天而莫之知也其子路之謂乎

詐講朱子曰然家臣非惟不當有亦不必有也且予與其以非禮自處而死于家臣之手上也無寧一二子爲我治喪而死于其手之爲安平力是有臣不足爲我重也且予縱無家臣而不得以君臣之禮大葬有二三子在豈至死于道路終弗奔而不葬乎

是無臣不足爲我輕也由何不深思之矣

析識

麟

土

云

上

節

言

家臣

之

不

當

有

此

節

言

家臣

之

不

必

有

○與其死于二句言師弟之情較君臣爲更切也○此節以兩且予作轉亦當平說○君臣禮葬君字疑謂孔子也古時爲大夫者皆有家臣治其家事死入

則爲之治喪如以臣事君之禮

有美全章旨

此章見夫子出處之積美玉鵲君子之抱道藏沽

誨君子之行藏問答俱就玉上論暗合正意子貢

設兩端以問意重在沽善價亦說得好但病在一求字則十沽似急于玉似輕故夫子以待字換他求字夫子之意亦重

在沽第云待賈何等從容何等自重川見夫子之心未嘗一日忘天下亦未嘗一日徇天下真得時行時止之道者

子貢曰有美玉於斯韞匱而藏諸求善賈而沽

諸子曰沽之哉沽之哉我待賈者也

韞紺粉反匱徒

韞藏也匱匱也沽賣也子貢以孔子有道不仕故設此二端以問也孔子言固當賣之但當待賈而不當求之耳

(范氏)

日君子未嘗不欲仕也又惡不曲其道士之待禮猶玉之待賣也若伊尹之耕於野伯夷太公之居於海濱世無成湯文王則終焉而已必不枉道以從人術玉而求售也

參序子貢疑夫子不仕而設問日美玉天下之至寶也今有子斯將韞之匱而藏諸求其善價而沽諸子日大寶耳公諸世不可以言藏也沽之譏沽之哉但有意求沽則人將輕視而不以爲寶我固以待夫善賈之自至者也若待賈而更不至其不沽也又何怪哉夫子用以行舍藏之大權去此可得其概矣

析講大全輔氏日沽之哉二句見理則賞沽而意則不求沽也○陳氏曰待賈者安于義命之正求賈者涉于奔競之私

○夫子之意重在二待字見得賈之既至則從其沽而非術

玉以求售賈之未至則不急于沽而亦非懷寶以自私不然

價在人而我求之則急于沽而所損者多矣待賈正所以善

其沽無兩層此句便寓個用行舍藏意在內○沽之哉兩油字對上藏字言玉之不終子藏也待字對上求字言沽之不

可出子求也

子欲章全旨 夫子道不行于中原 故托居九夷以化之

## 子欲居九夷

東方之夷有九種欲居之者亦乘桴浮海之意

參太全夫子見道不行偶發欲居九夷之嘆

或曰陋如之何子曰君子居之何陋之有

君子所居則化何陋之有

參大全或人未之喻則以爲真欲往也曰九夷之俗服左衽而言侏儒鄙陋甚矣如之何其可居也夫子不明告之而但據理答之曰君子居夷狄自有行乎夷狄之道陋在彼不陋在我且用夏變夷陋習自可化矣何不可居之有

析講問何故不化中國朱子曰但時君不用不得行其道耳

## 吾自章全旨

此夫子自敍正樂之功也只重正樂上不可分詩與樂並說詩卽樂之章也反魯下當先點出正樂意然後二句始舉其成功言之若從正樂而言必先正詩方可以正樂此云樂正乃已然之謂正是追想成功處惟樂正

## 子曰吾自衛反魯然後樂正雅頌各得其所

魯哀公十一年冬孔子自衛反魯是時周禮在魯然詩樂亦頗殘缺失次孔子周流四方參互考訂以知其說晚知道終不行故歸而正之

合參子曰詩樂在魯久矣然殘缺失次每多不正吾嘗周流四方考之周禮之所載參之列國之所聞訂之既詳驗之足信故自衛反魯之時特爲釐正殘缺者補之失次者序之然後樂之聲音節奏悉歸于正而其中雅頌之詩被之管絃奏之宗廟朝廷者亦各得其所而不相混焉雅頌得所而染無不正益可知矣

析講朱子曰是時王迹熄而詩亡其存者謬亂失次孔子自衛反魯復得之他國以歸定者爲三百篇于是雅頌各得其所存疑本文先說樂正後說雅頌各得其所則其所主在樂與語魯太師及師摯之始章上意詩特其樂章耳集註日詩樂從順辭也○得所當看各字不但雅奏于朝頌奏于廟爲得所而雅與雅各不相混頌與頌各不相混乃爲各得其所

所也○家引

古者宗廟

朝廷房中之樂各有篇章不相淆亂

如甯武不拜湛露穆叔不拜肆夏以其非所也夫子則別之

以類序之以義如王朝侯朝賞歌何詩王廟侯廟當歌何詩

各各不紊有名分井然意○張南軒曰獨舉雅頌不及風者

列國多不正之聲朝廟所不奏二南亦以此用之房中耳故正

樂只言雅頌○魯襄公四年穆叔如晉晉侯享之金奏肆夏

之三不拜晉侯使子貞問之穆叔對曰三夏天子所以享不

侯也使臣弗敢與聞○甯武子聘于晉魯宴之爲賦湛露武

子不答賦曰王宴諸侯則賦湛露今陪臣來

繼舊好君辱睨之其敢于太禮以自取戾

出則章全直此夫子謙已謭人之意欲人之不忽於卑近也四

出則三句是于天理之當爲者求盡其道不爲苟是于

人情之易動者不踰其則雖聖人亦極乎是理而已

子曰出則事公卿入則事父兄喪事不敢不勉不

爲酒困何有於我哉

說見第七篇然此則其事愈卑而意愈切矣

合參子曰人于日用倫理之間皆有其最切者不可忽也如  
出而在邦國有公卿禮事也則盡其忠順以明貴之之義入  
而在家庭有父兄賞事也則用力用勞以盡親親之恩喪以  
送死人之所易怒也則內盡其哀外盡其禮而不敢不勉酒  
以食歡人之所易潤也則內不亂德外不失儀而不爲所困  
德盛禮恭涵養純粹者不能也反之于

我果何有哉此聖人謙已謭人如此

析講饒雙峯曰事公卿父兄事生之禮喪事惠死之禮不特

三年之喪如期功缌麻之輕者皆是三件是大節不爲酒固

是至小底然亦甚難○因亂其性也不曰事

君而曰事公卿以始仕者言之水謙詞也

子在川上曰逝者如斯夫不舍晝夜

夫音扶

天地之化往者過來者續無一息之停乃道體之本然也然

子在章全直

體道亦賞無須臾之或息示以

其可指而易見者莫如川流故於此發以示人欲學者時時省察而無毫髮之間斷也○程子曰此道體也天運而不已日往則月來寒往則暑來水流而不息物生而不窮皆與道爲體運乎晝夜未嘗已也是以君子法之自強不息及其至也純亦不已焉又曰自漢以來儒者皆不識此義此見聖人之心純亦不已也純亦不已乃天德也有天德便可謂王道其要只在謹獨愚按自此至終篇皆勉人進學而已之辭參大全夫子偶在川上會諸心而形諸嘆曰天地之間往者前而已去底來者後邊接續去底逝而不已者如斯夫自晝至夜無有停息也人可不察其本然之體哉

析講吳氏曰逝者不指水斯字方指水○水之流行不息亦該在逝者內但逝者不耑指水說吳氏之說須善會之○逝者二字指化機說如日往則月來月往則日來寒往則暑來暑往則寒來天地間一切氣化流行何嘗有一息停止但其機隱微惟水之流行不息最主爲易見故指水而發道體以示入夫子蓋自視川流心想道體而嘆水正嘆道也但在夫子口中道字水字俱渾然不露爲妙沈虹野曰水之流行不息卽道之流行不息與鶯飛魚躍同一機括不可作喻說着個

如字蓋卽一物以價全體也○朱子曰與道爲體四字甚精益物生水流非道之體乃與道爲體者也○陳氏曰欲學者于川流上察識道體之自然不息而法之以自服不息此又發言外意○蒙引逝者如斯夫不舍晝夜不可作兩截看合天地之化數句所包甚廣陳新安曰必有來者續方見道體往者過來者續無一息之停數句序得逝者如斯之意註中之無窮使往而不續則其幾息而非生生之道矣

吾未嘗全旨

此只嘆誠于好德者少言外有令人自省之意

予曰吾未見好德如好色者也

好平

謝氏曰好好色惡臭誠也好德如好色斯誠好德矣然民鮮能之○史記孔子居衛靈公與夫人同車使孔子爲次乘招搖市過之孔子醜之故有是言參序子曰人所得于天之正理是爲德此固人之所同有而亦人之所當好者也乃吾觀人情理念妄欲念疑未見好德之誠有如好色者也使易好色之心以好德又何德之不成哉

譬如章全旨

此夫子借爲山進止之機以警醒學者兩吾字最重見進止皆決于已欲人之所以止自戒而以進自

勵也正意各宜豁明在譬如有上下俱就爲山說方得口氣

子曰壁言如爲山未成一簣止吾止也壁如平地

雖覆一簣進吾往也

簣求位反  
覆旁服反

簣土籠也書曰爲山九仞功虧一簣夫子之言益出於此言山成而但少一簣其止者吾自止耳平地而左覆一簣其進者吾自往耳蓋學者自強不息則積少成多中道而止則前功盡棄其止其往皆在我而不在于人也合參子曰人之爲學貴求其成譬如築土爲山其未得成者但少一簣之土耳其爲山亦甚易矣乃忽然而止焉其止也非有阻之者也吾自止也人之自怠而弃其垂成之功者何以異此二人之爲學勿憚其難譬如平地覆土爲山其所加者此一簣之土耳其爲山亦甚難矣乃奮然而進焉其進也非有促之者也吾自往也人之自奮而不安于卑近者何以異此夫一至止則滿成之功不足恃一進則未成之業皆以圖而

其機總央之于已學者可以不勉于自強而願甘于自弃哉析講陳氏曰語有三十四章純如謨大義之比此此言爲山而未嘗言爲學然爲學之意見于言外此外惄惄舉力苗秀章是也○按此章雖未明言爲學然明下兩譬如此爲學意當補說本文之上似與松柏舉力苗秀小不同也○兩說一簣先說止而後說進不聖人經妙鼓舞○王觀濤曰止則惟吾止耳豈一日機將成而莫禦哉進則惟吾往耳豈日機尚淺而難圖哉蓋謂其皆聽于吾之使然而不聽于勢之自然也夫予以體教之勇獨歸顏子正以勵群弟子也不以力行上但由于心解惟其深潛純粹聞教即憶在力行上但由于心解惟其深潛純粹聞教即能洞然故體教自然不懈上句寬謬下句左歸回上

子曰語之而不惰者其回也與

語去聲

情懈怠也范氏曰顏子聞夫子之言而心解久行達次頓沛未嘗違之如萬物得時雨之潤發榮滋長仰有於情此群弟子所不及也

參大全子曰受教者聞言而半疑半信若有若無安得不惰若夫讀之以道而心知而九行之自然止不得者其惟回也

歎回與可謂不負吾之教者矣

析講此節，至順題講，不可倒提。○誣心解悟也，力行，行也，若不曾理會，終難不歇脚。講之不情，全不是悟之透徹。方能行之不情，如晝寢者，自晝者，總是不情。字顥子之心解，如聞，知十無所不悅，是也。顥子之力。

行如欲罷不能，請事斯語，是也。

惜乎章全旨

此惜顏子有進學之功，無自棄之失，亦勉勵門弟子之深意也。

子謂顏淵曰：惜乎吾見其進也，未見其止也。

進此二字說見上章，顏子既死而孔子惜之，言其方進而未已也。

參序子十一日追思顏淵而謂之曰：惜乎！其動乎爲學，吾但見其進而未已也。未嘗見其止而不前也。使天假之二年，其成就爲不小小矣。乃不幸而死，不及見其成，豈不可惜哉？

苗而章全旨

此夫子成人廢學意也。一句語，意須歸實上去，方得肯，蓋苗期于實學，期于成也。兩有以一大說得

警醒，謂出於常理之外，嘆其不應有此，以令人思其所以有

子曰：苗而不秀者有矣，夫秀而不實者有矣，夫

夫，音扶。穀之始生，曰苗，吐華，曰秀，成穀，曰實。

蓋學而不至於成，有如此者，是以君子貴自勉也。

參大全子曰：穀之生也，自苗而秀；自秀而實，必爲有成苗，固有可秀之理。今或自秀而不實者，有之秀，固有可實之理。今或自秀而不實者，有之。此必有所以致之者矣。美而不成，亦何爲哉？然則人之爲學，不至于成，何以異此？

析講有質而不學苗，而不秀者也。學而不能有諸已，秀而不實者也。○王觀濤曰：不秀不實，耑重人力不到，不兼天時。

後生章全旨  
顧之曰：不足畏，絕望以儆戒之，無非欲其及時，以進脩也。

子曰：後生可畏，焉知來者之不如今也？四十五

焉知之焉

十而無聞焉，斯亦不足畏也已。

於處反

孔子言後生年富力強足以積學而有待其辨可畏安知其將來不如我之今日乎然或不能自勉至於老而無聞則不足畏矣言此以警人使及時勉學也曾子曰五十而不以善聞則亦已矣自少而進者安知其不至於極乎是可畏也

合參子曰人之後生者真有可畏年富則爲學有自力強則爲學有資若能進而不已則爲聖爲賢皆未可量焉知其將來者之所成不如今日之所期望也此其所以可畏也苟以年少爲可恃不能勉善而自失其時以至于將來四十五年之年而道德無聞于人焉則年之富者今已過力之歲者今已衰進脩無復可恃終爲庸人之歸矣

斯亦不足以畏也已後生其及時自勵

析講來字今字俱當指後生而言註我之今日嘗饑食之○此亦爲後生而發非以四十五十限定人也○焉知句是言將來積學之所成就得如今日之所期望也有限他不得意此正足上可畏意無聞言不比善聞重道明德立上不重名譽玩未句亦字正與首句呼應蓋後生之可畏止以其能積學而有聞也若至老而無聞則向之可畏者亦不足畏矣失其

所可畏便到不足畏的境界如何

可急情有令後生惕然知儆意

### 法語章全旨

此見聽言當實受其益也二爲貴俱是實受其益  
靜上六句爲聽言者望下二十句爲聽言者微累要

在改與繹上觀兩貴字可見

子曰法語之言能無從乎改之爲貴異與之言能無說乎繹之爲貴說而不繹從而不改吾未知之何也已矣

法語者正言之也異言者婉而導之也繹尋其續也法言人所敬憚故必從然不改則面從而已異言無所乖忤故必說不然不繹則又不足以知其微意之所在也○楊氏曰法言者孟子論行王政之類是也異言若其論好貨好色之類是也語之而不達拒之而不受猶之可也其或喻焉則尚庶幾甚其能改繹矣從且說矣而不改繹焉則終不改繹也已雖聖人其知之何哉

參序子曰進言固當因人聽言必當虛己如我見人有過將法度之說切直言之則詞嚴義正聽者必肅然起敬彼欲無從能乎然非徒從已也卽心上悔悟自改其非這纔是能受直言乃爲可貴見人有過將異順之意與婉言之則情順氣平聽者必怡然無拂彼欲無悅能乎然非徒悅已也卽不敢忽畧自尋繹其微意之所在而感悟自新這纔是樂聞善言所爲可貴若悅矣而不繹從矣而不改則終無自新之望吾不能下法言異言之外別爲一術以儆之使之去惡而遷善矣吾未如之何也已矣此深絕之辭也

析講朱子曰如漢武帝見汲黯之直深所敬憚至帳中不可其奏可謂從矣然內多欲而外施仁義豈非同從如孟子論好色好貨齊王豈不悅然究不思內無怨女外無曠夫及積倉裏糧之實也從是諾于已改是體于身說是承順于外繹是玩索于心法言者人有不善而我戒之弗爲也據理而言人方屈于理之不暇安得不從異言者人有未善而我導之使善也言既有理而又可聽安得不說此說與從其事據之進言者必改與繹左見聽言者能實受其益處改者依吾言而改其前失也繹者尋味其言中之意而知其言之有

子曰主忠信毋友不如已者過則勿憚改

重出而逸其半

三軍章全旨

此夫子教人立志之上句形下句須于可奪處勿說客易了方顯得不可奪意出

子曰三軍可奪帥也匹夫不可奪志也

侯氏曰三軍之勇在人匹夫之志在已故帥可奪而志不可奪如可奪則亦不足謂之志矣

參集解子曰天下資諸人者難慧在諸已者足恃如三軍之衆勢至難犯然其勇在人苟人心一離則謀敗氣摧其將帥可奪而取之匹夫其勢似微然其志在我苟堅守其志雖生死利害不可得而奪之也蓋志者中有所主人莫與焉者也故人不可以不立志

析講匹夫對上三軍看猶言一人也匹夫之志雖是好的丁邊亦且淺淺說志與意不同意是發動處志是存主處夫

子所謂志士仁人有殺身以成仁無求主以害仁其可得而奪乎如可得則豈足以爲志哉○大全張氏曰此所謂志謂守其道而不渝如虞人非招不往之類

若守定私意則是失其所主非志也

衣敝章全旨

此章俱是進字路于臧也前二節因其可進而與之未一節因其不求進而御之總是進之之意

子曰衣敝縕袍與衣狐貉者立而不恥者其由也與

衣去聲縕糴粉反  
貉胡各反與平聲

敝壞也縕枲著也袍衣有著者也蓋衣之賤者狐貉以狐貉之皮爲裘衣之貴者子路之志如此則能不以貧富動其心而可以進於道矣故夫子稱之

參序子曰貧富相形之際人易動心若自己衣着敝縕之袍與那衣狐貉之人並立而此衷漠然不以已不若人爲恥者其惟我仲由也歟

出○此處且勿露進道意次節方可露

出益可與進道卽下何用不臧意也

不忮不求何用不臧

忮之反

忮害也求貪也臧善也言能不忮不求則何爲不善乎此衛

風雄雉之詩孔子引之以美子路也呂氏曰貧與富交强者必忮弱者必求

參序卽之識趣高明如此則能不以貧富動心而可進于道矣詩云入若能不疾人之有而有忮害之心不恥己之無而有中食求之心則外物一無所累用之進德

修業何所爲而不善乎吾仲由之謂也

析講此正美子路可與進道之意○忮求根恥字來忮者恥之激而爲忌嫉求者恥之漏而爲希冀○王觀濤曰謂之曰

子路終身誦之子曰是道也何足以臧

終身誦之則自喜其能而不復求進於道矣故夫子復言此

以警之。○謝氏曰：恥惡衣惡食學者之大病，善心不存，蓋由於此。子路之志如此，其過人遠矣。然以衆人而能此，則可以爲善矣。子路之賢宜不止此，而終身誦之。

之，則非所以進於日新也。故激而進之。○參蒙引夫子美子路，如此益欲其由此而進之，非欲其終于此也。子路聞夫子與己若將不忮、不求之言，終身誦之焉。夫學先要不以貧富動心，有個真內，輕外之意，然後可與進道耳。若耑挾此爲能，則有所局，無復違大之望。故夫子抑之曰：這不忮、不求是道也。特進道之始耳。何足以言盡善哉？由也復求進焉，可矣。

析講首節。註云：子路之志如此，云云至可進于道矣。氣看可進道意，下文何用不臧便是此意。此言何足以臧，都以其不復求進于道也。○終身誦之，謂天下之理止于是，而吾人之守不可易也。此便不復求進于日新之道了。夫子因言是不忮、不求之道也，何足以臧？此卽借何用不臧之語，而反言以進之，見得道有至極處。由此進進不已，而求至于其極，可也是道。指不忮、不求言，與註中道字不同，蓋求進于道，道字包括得廣，非不快、不求一節所能盡也。○誦之，不是自足，是

據而恐失之意。他意正謂其足以臧也。夫子亟將初意說明與他原不說，不減但道理無窮。此未足以盡之耳。足字宜玩，猶云：不忮、不求誠進道之基然。

但可爲托始而未可爲誦極也。

歲寒章全旨

此章見君子之志節異于衆人，而慨人知君子之晚，然後知三字，可見後影只是不影，言不與草木同影也。知松柏之挺在歲寒，而後見，則知君子之守在于利害事變之際，而後見矣。守，恭志節，言通節不脫詩之比體，正意宜未後補出。

子曰：歲寒，然後知松柏之後彫也。

范氏曰：小人之在治世，或與君子無異。惟臨利害，遇事變，然後君子之所守，可見也。○謝氏曰：士窮見節義，世亂識忠厚，欲學者必周于德。令參子曰：時窮則節見，猶春夏之交，萬物蓄憊，雖有堅脆之不齊，然未可辨也。及歲暮之時，重陰沴寒，生意憔悴，草木成影，而松柏猶蒼然不變。然後知其後彫也。夫事變之值，君子之歲寒也。而志節之堅，君子之後彫也。不遇歲寒，無以別松。

柏不遇事變無以見君子然則君子其人中之松柏乎  
析講陳氏曰後彫雖待嚴寒而後可見松柏之有心則貫四時而有常托物以比君子其意深矣○按范氏註意夫子口中並不宜直露

知者章全旨

此表知仁勇之心體不惑等各就其心體無累處言之勉人進修意在言外益心體原無障蔽無牽繫無委靡惟知仁勇的人能全其心體任可憂可惑可懼之交于前畧不爲動成德之人分量自是如此

子曰知者不惑仁者不憂勇者不懼

明足以燭理故不惑理足以勝私故不憂氣以足配道義故不懼此學之序也

合參子曰人之不免于疑惑者凡以見理未明故也惟夫有智之德者見理既明則事物之交凡是非可否坐而照之有餘矣夫何惑人之不能無憂患者凡以私心爲累故也惟夫有仁之德者私欲化而依于理則理所當然雖貧賤患難安而處之裕如矣夫何憂人之不免于恐懼者凡以正氣不充故也惟夫有勇之德者氣配道義則至大至剛雖大節重任

子曰可與共學未可與適道可與適道未可與

可與章全旨

析講蒙引此學之序也這一句是對後仁者不憂章說蓋後章是成德以仁爲先此章是進學以知爲先所謂誠而明而誠也○問何以勇皆序在後曰未後做工夫不退轉此方是勇○此知者仁者勇者皆以成德言但以知居仁勇之先謂學之序耳非以知者等俱爲進學之人也○憂惑懼俱以心言要說得細○註中明足燭理等句解知仁勇最明白不然謂事物無遁情也不憂謂無入不自得也不懼謂當事變而不中震撼也本文只就知仁勇之成德言所謂序者蓋必先明理斯云私欲無私欲斯不屈于物也可見學者之于道始以知而知之中以仁而體之終以勇而強之則知明行至久而不息而道全于我矣

以創造其味至非徒言難以阻人之進也

# 立可與立未可與權

可與者言其可與共爲此事也程子曰可與共學知所以求之也可與適道知所往也可與立者篤志固執而不變也權稱鑑也所以稱物而知輕重者也可與權謂能權輕重使合義也○楊氏曰知爲已則可與共學矣學足以明善然後可與適首信道篤然後可與立知時措之宜然後可與權洪氏曰易九卦終於與以行權權者聖人之大用未能立而言權猶人未能立而欲行鮮不仆矣程子曰漢儒以反經合道爲權故有權變權術之論皆非也權只是經也自漢以下無人識權字愚按先儒誤以此章連下文偏其反而爲一章故有

反經合道之說程子非之是矣然以孟子嫂溺援之以手之義推之則權與經亦當有辨

恭存疑于日人之所至有高下君子亦當隨其高下而與之如人心慕吾道而志于學是知所以求之也可與共學矣然或未能的見吾道之美而勇往以從之此猶未知所往是未可與適道也能勇往以從之而可與適道矣或不能不因物而遷是未能固執而不變未可與立也學至于固執而不變

是可與立矣然或守而未化而于萬事萬物之來不能權其輕重之當然以合于時措咸宜之道則是未可與權也學至于能權然後可以通天下之變而周天下之用矣

學者可不因所至以求所未至以爲可與之地哉

析講大全朱子曰可與未可與此只是太綱如是○可與味

可與乃比量之辭主施教說者不是謂是夫子與之者太泥只是沉論學者造詣各有淺深而君子與人不可強所未至便見得學者當中一步趨進一步直造乎其極而後已乃夫子危人意也○可與共學是志趣已真知求正道但未會用實踐之功而由平斯道之中故未可與道適道則已能行得矣但未實得而已而守之不遷故未可與立立則見得真守而通之與時宜之故未可與權○程子曰反經合道爲權公羊唱之何休和之古人多錯認權字纔說權便是變詳不知權只是經所不及者權其輕重使之合義是也朱子曰經只是大經大法正當道理而已所謂權者于橫微曲折盡其宜以濟經之所不及耳權卽經之要妙處也非能見焉精密透徹純熟者不足以與權也○權字不對經言對經言則

耑屬處變矣此權字乃時措咸宜之權如孔子聖之時便是○權是時中不中則無以爲權矣○問權便是義否曰權是用那義底○權是道理上尚更有三重道理如君子固當用小人固當去然方當小人進用時猝要用君子也未得當其深根固蒂時便要失去他適爲所害道裏斟酌時宜便知個緩急淺深始得○可與立未可與權蓋言其難如此翼註可與言可與共爲此事也然意不重共爲上只重彼能爲此事耳未可不是終不可與只就前言之

**唐棣章全直**此夫子借詩以著近思之學詩本是思人夫子借其言而反之則王思理說不宜露出只暗切理上

爲妙

## 唐棣之華偏其反而豈不爾思室是遠而

棣大計反

唐棣郁本也偏晉書作翩然則反亦當與翻同言華之搖動也而語助也此逸詩也於六義屬興上兩句無意義但以起下兩句之辭耳其所謂爾亦不知其何所指也

參序逸詩有云唐棣之華物之無情者也偏然其反而猶若

有所感而動也况我之于爾人之有情者也豈不思乎但要

所居之室室是遠而不可至而

**子曰未之思也夫何遠之有**

扶

夫音

夫子借其言而反之蓋前篇仁遠乎哉之意○程子曰聖人未嘗言易以驕人之志亦未嘗言難以阻人之進但曰未之思也夫何遠之有此言極有涵蓄意思深遠

參序夫子借其詞而反之曰天下事不患其難致而患其不

求今詩既云思而復以遠爲患自言之彼殆未之思也天

天下之境亦何遠而不可致之有于

古以上萬里而外一心之所通焉耳

**思而自得之**

析講大全陳氏曰詩謂爾思以思其人言于室字知之夫子

所謂未之思以思此理言理之所在思則得之何遠之有不

思則不得始見其遠耳○二句緊相承勿于未之思也下加

試一思之十一轉何遠句只翻弄不遠的意思而所以不遠則

勿道破令人深思

## 鄉黨第十

楊氏曰聖人之所謂道者不離乎日用之間也故夫子之平日一動一靜門人皆審

視而詳記之尹氏曰甚矣孔門諸子之嗜學也於聖人之容貌言動無不謹書而備錄之以賜後世今讀其書卽其事宛然如聖人之在目也雖然聖人豈拘拘而爲之者哉蓋盛德之至動容周旋自中乎禮耳學者欲潛心於聖人宜於此求焉舊說凡一章今分爲十七節

### 孔子章全旨

鄉黨一篇總是說夫子動容周旋中禮無非盛德之至自然而然意此二節則記其在鄉黨朝廟言貌之不同也夫子在鄉黨非不言而似不能言在宗廟朝廷則端言必言而猶謹于言玩于字其在字便見時中之聖○此章重言不重貌言貌者言之貌也

## 孔子於鄉黨恂恂如也似不能言者

恂相

恂恂信實之貌似不能言者謙卑遜順不以賢知先人也鄉黨父兄宗族之所以所在故孔子居之其容貌辭氣如此

參序

聖人之道不離乎日用之間門人審視而詳記之可謂

晉學矣

首記之曰吾夫子盛德在中而著之言貌有隨在可

析講恂恂二十句一串說下句恂恂然其似不能言也與斷斷今無他技一樣文法恂恂是信寔而簡默光景故以似不能言句足之○太全輔氏曰似不能言者所以形容信寔之意大凡人纔信寔則言自簡默况聖人之表裏如一者乎○恂恂虛而似不能言寔觀註將謙卑遜順不以賢智先入實意發在似不能言內可見

## 其在宗廟朝廷便便言唯謹爾

朝直遇反下同便房連反

便便辯也宗廟禮法之所在朝廷政事之所出言不可以不明辯故必詳問而極言之但謹而不放爾○此一節記孔子在鄉黨宗廟朝廷言貌之不同也參大全告其在宗廟朝廷則又有不同者在廟則詳問禮法使可以識制度文物之精微升降揖遜之委折在朝則極言政事使上之所布者不悖于理下之所受者不被其害益便然言之明辨但其言一出于敬謹而不放爾尊親異地而

言貌亦殊非時中之聖熟能之

析講

麟士

云似不能言句足拘拘句唯謹爾句足便便句○

宗廟朝廷皆指魯說○翼註

便便言句重唯謹爾句輕但謹而不放爾未嘗不言也

朝與章全旨

通章記夫子在朝之敬朝字截提起作胃上節是接下之言曲而當下節是事上之容恭而安

朝與下大夫言侃侃如也與上大夫言閭閻如也

侃苦直反

閭魚巾反

此君未視朝時也王制諸侯上大夫卿下大夫五人許氏說文侃侃剛直也閭閻和悅而諍也參直解夫子在朝時君尚未視朝也夫子與同列下大夫言是曰是非曰非當言卽言正辭斷義毫無委曲侃侃如而剛直也與上大夫卿等于已者言從容委曲不至徑情直遂而其中持正不阿默寓箴規之意則閭閻如和悅而諍理宜然也

析講

麟士

云朝字活看夫子之在朝也當可曉君未視朝

君在跋踏如也與與如也

跋子六反踏子亦反與平聲或如字

君在視朝也跋踏恭敬不寧之貌與與威儀中適之貌張子曰與與不忘向君也亦通○一節記孔子在朝廷事上接下之不同也

參大全及君既視朝在堂上憇夫子極其恭敬則心懼而見

之身者，跋踏如，而不能自寧也。但常人過于矜持，未免失之拘迫。而夫子威儀動容，又從容而安適，與與如也。此其所以爲聖人也。

析講  
麟士云：事上謂君也，對君則皆爲下，故曰接下。○跋踏皆從足，蓋在貼立，上說而實包一身，容儀言益敬。君之至如立不寧也。與與陳氏所謂得其中，而且安適也。跋踏二句文平意串，恭與與卽是跋踏者，從容而無失措，合看卽恭而安之謂也。

### 君召章全旨

君召句，是總領提起，講賓主，变際國體，係重輕鄰邦，覩敬卑，夫子節節中禮，念念在君，甚有重視君召之意。所謂事君盡禮也。首節被命之初，二節行禮之時，末段禮畢之後，各節俱重下半截，益始終于敬而已。

### 君召使擯色勃如也，足蹠如也。

擯必內，反蹠驅若，反

擯，主國之君所使出，接賓者勃變。

色貌蹠盤辟貌皆敬君命，故也。

合參古者兩君相見必有擯介以傳言，魯君召夫子，使爲擯，但見初承君命而心敬于中，容變于外，以色則勃如，其變動

### 揖所與立左右手衣前後襜如也

襜，赤，占，反

所與立謂同爲擯者也。擯用命數之半，如上公九命，則用五人，以次傳命，擯左人則左其手，擯右人則右其手，襜整貌。參序實至門之際，正爲擯者傳命之時。夫子拱揖，其所與同立者，傳君命出，或左其手，傳賓命入，或右其手。

則手動，而身不與俱動，衣之前後襜如而整也。

析講周禮上公九介侯伯七介子男五介賓主，主人使擯者，示謙也。古者相見之禮，主人有擯賓有介賓傳命于上介，上介傳之，次介次介傳之，末介末介傳之，末擯末擯傳之，次擯次擯傳之，上擯上擯傳之，主人然後至賓方相見。○麟士謂子必爲次擯似拘，左手右手不過大槩語耳。○按擯介傳辭，時不正東鄉不正西鄉，擯賓主之前却得兩鄉之而正。

揖左人則左其手傳君命之出而不敢內者君也揖右人則右其手傳賓命之入而不敢外者賓也左在手不重凡爲揖者皆然重在前後禮如上此是手動而身容之莊不動下翼如是足動而手容之恭不動末節于必復命上見夫子之敬○揖是拱起手而以命付之非如今日之相揖也

## 趨進翼如也

疾趨而進張拱端好如鳥舒翼

恭序主已延賓而人揖從其後趨入以有事賜身難疾趨而謂造次不違也○延賓而入揖者從其後趨入以有事也

## 賓退必復命曰賓不顧矣

紓君敬也○此一節記孔子爲君揖相之客

恭大全相見畢賓退就館主君送出門外猶竚立以待賓之

此

頤夫子必復命曰賓不頤矣紓君之敬也其敬形于禮畢之

析講太全輔氏日人疾走手易散臂易掉趨進翼如此所謂造次不違也○延賓而入揖者從其後趨入以有事也

## 入公章全旨

此章前四節是由入門而過位而升堂漸近于君

而敬以漸加末節由出降而沒階而復位漸遠于

君而敬亦不懈

○胡氏曰初則身如不容次則言似不足以

次則氣似不息君愈近則敬愈加也至于含氣解顏若七步

矣而踧踖餘敬久猶未忘則聖人所以存心也可見矣

不直遂鞠躬如也就如公門不能容其身者然敬何至也

析講鞠躬如也如不容連着是一意

## 立不中門行不履闕

闕于

遍反

中門中於門也謂當帳闌之間君出入處也闕門限也禮大夫出入君門由闌右不與賓蕭氏曰立中門則當尊行履

闢則不恪

參存疑君出入由中門士大夫出入由闌右而不由中門禮也若立是未出入之時常人多忽裏而夫子亦不敢中于門蓋恐當尊而失之僭也闢之所在過而履之近于輕佻而不裕夫子不然蓋恐失度而踰于遠也

此時尚未面君而敬謹已至矣

析講饒氏曰中間有闢而覆有帳帳是大門兩旁之木如今壁凡相似闢是中間兩扉相合之處又有一木常設而不動東西兩扉各有中君出入則皆出左由則以東扉爲左入則以西扉爲左士大夫出入君門則皆由右出以闢西爲右入行益避君出入處也行既不敢實中則立亦不敢當中○存疑此二句是入公門之事○古之君門止一君由中行人臣不敢當中出入由兩旁令制爲三門人臣出入由東西旁門中門止是君行人臣不敢行矣

## 過位色勃如也足蹠如也其言似不足者

位君之虛位謂門屏之間人君寧立之處所謂寧也君雖不在過之必敬不敢以虛位而慢之也言似不足不敢肆也

參序夫子既至外朝過君門屏間宁立聽治之位則君雖不在而在而如君在上其顏色則勃如而色容莊也其足則蹠如而足容重也其言語訥訥然似氣不足以出聲者是過位之敬視入門之時而有加矣

析講禮記太子當依而立諸侯北面而見曰覲天子當宁而立諸公東面諸侯西面曰朝○天子外屏其屏在路門外諸侯內屏其屏在門內屏外○古者朝會君臣皆立故曰宁立之處此是外朝以其爲人君聽治之所故又爲治朝入則爲內朝矣

下文攝齊升堂鞠躬如也屏氣似不息者

答齊音

攝摺也齊衣下縫也禮升堂兩手摺衣使去地尺恐躡之

摺

齊升堂鞠躬如也屏氣似不息者

答

摺者摺小端于當門以蔽内外也

而傾跌失容也。屏藏也。息鼻息出入者也。近至尊氣容肅也。合參夫子既至內朝拜下之禮畢則攝衣前齊以升階至堂其躬則鞠如蓋折而不敢以直遂也。至于呼吸之氣亦肅自屏藏有似乎平不息者而氣容亦肅矣是。

升堂近君其敬視過位之時而愈至矣

研講升堂或有政事之陳而面奏或有君命之宣而應對也。攝齊鞠躬總足身容攝齊則防失容要只一時事也。○齊裳下緝也然則冠衣謂裳也對衣則上曰衣下曰裳散則可通。

○古者諸侯之堂七尺凡十一級使

裳之齊去地尺則升階不躡之也

出降一等逞顏色怡怡如也。沒階趨翼如也。復其位踧踖如也。

陸氏曰趨下本無進字俗本有之誤。○等階之級也。逞放也。漸遠所尊舒氣解顏怡怡和悅也。沒階下盡階也。趨走就位也。復位踧踖敬之餘也。○此一節記孔字集朝之容。

卷序夫子見君子畢出是下堂而出降級丁等則漸遠于君

始稍急其顏色肅肅者轉而爲怡怡之和悅矣由是下盡堂階而趨走以就朝班之位。若堂上里之復見矣則翼如而端拱也。由是復其朝班之位與衆同君而立依舊版蹠而恭敬不寧也。蓋自入以至出始終一千敬如此。

析講黃氏曰此有五節一入門二過位三升堂四下階五六復位○麟士云出者總詞當一頓謂下堂也。不是出公門復位則仍面君而立○涉階翼如行客之敬復位踧踖立客之敬

此是到底末稍復加整頓衆人未稍便撤

了聖人則始乎敬終乎敬意本朱子

此章以聘爲主，享與覲皆聘中之事，論聘以敬爲

非和無以通聘問之情，聖人之禮容各當如此

執圭，如循。足蹠蹠如循。上如揖下如授。勃如戰色。

色六反

圭諸侯命圭聘問鄰國則使大夫執以通信妃不勝執主器執輕如不克敬謹之至也。上如揖下如授謂執圭平衡手與

心齊高不過揖卑不過授也戰色戰而色懼也踴躍舉足促狹也如有循記所謂舉前叟踵言行不離地如緣物也合參夫子魯大夫時承君命以聘問鄰國當行禮之時執持君之命圭以申信則鞠躬如也如不勝其重之象身客何肅也執之平衡手或微有上下上但如揖而已未常太高而夫之仰下但如揖而已未常太卑而夫之俯手容何恭也又其色勃然而變如臨戰而懼色客何莊也至行動之時舉舉前趾後踵曳地蹠蹠狹數如有所緣物而不離大地足客何重也蓋心極其敬故見于容色者如此

析講周禮大宗伯云公執桓圭長九寸侯執信圭伯執躬圭皆長七寸子執穀璧男執蒲璧皆徑五十○存疑鞠躬意猶前妃不客足鞠躬意也又曲禮執天子之器則上衡國君則平衡太夫則綏之圭則提之此妃揖妃授者亦以魯諸侯也○執圭一節俱指在所往聘之國而方見其君時言此圭是通信之物見君後即退還使臣執圭二斷下敬著于身于手於商于足四平看或問命主曰古諸侯受封天子授之以圭以爲瑞節○蹈蹠如有所循緣手中有圭不得攝齊亦防顛仆

## 享禮有容色

亭獻也既聘而享用丰璧有廷實

有容色和也儀禮曰發氣滿容

參序既正行聘禮畢而後以君命獻禮物于鄰國

之君但見夫子有利悅之容色比聘時肅穆也析講淺說聘則尊君之命非敬無以盡禮享則達君之意非和無以通情○太史朱子曰命圭通信少間仍退還阜是數其圭璧璪瑱非命圭也皮幣與馬皆陳于庭故曰庭其間絕無朝聘往來之事疑使擴執

圭兩條但孔子嘗言其禮當如此爾

私覲以私禮見也悠悠則又和矣○此一節記孔子爲君聘於鄰國之禮也晁氏曰孔子定公九年仕魯至十三年適齊其間絕無朝聘往來之事疑使擴執

圭兩條但孔子嘗言其禮當如此爾

參序享畢又自以私禮見鄰國之君則其色悠悠如而又加和也和敬兼至各當其可兆聖人孰能之

## 私覲悠悠如也

析講蒙引按朱子曰享禮退又以物獻其卿大夫私覲亦及其大臣然此章耑主獻其君言○禮記註云其君親來其臣不敢私見于主國君也以君命聘則有私見○黃氏曰此章有三節執圭禮之正也享禮稍輕私覲又輕矣故容節不同如此

### 君子章 卞宣

此章總是衣服之制首二十節以色字作主以有嫌與不正相對當暑四節以時字作主以夏葛與冬裘相對去喪一節以備所當備省所當省相對羔裘二節以下爭致其哀朝致其敬相對總是邪正有辨公私有別寒暑有宜長短有度吉凶有等朝祭有經子其動必中則皆聖人化裁之妙用

### 君子不以紺緝飾

紺音紺古暗反

### 君子

謂孔子紺深青楊赤色齊服也緝縫側由反

### 君子

君子之衣服必有定制如常服之綠領不以紺與緝

### 君子

君子之衣服必有定制如常服之綠領不以紺與緝參蒙引君子之衣服必有定制如常服之綠領不以紺與緝

### 君子

君子之衣服必有定制如常服之綠領不以紺與緝

### 君子

君子之衣服必有定制如常服之綠領不以紺與緝

### 君子

君子之衣服必有定制如常服之綠領不以紺與緝

### 紅紫不以爲亵服

紅紫閒色不正且近於婦人女子之服也○析講紺緝只說別齊喪莫說非正色非正色如何可齊喪用之○紺是青赤色傷者浮也如令人鴉青也○注小祥練冠練中衣以黃爲內緝爲飾緝虔絳色○君子卽孔子陳子室曰卽孔子做底便是衆人合做底故謙稱○君子聖人以身爲教故記者以教法書之○

### 當暑袗緝綸必表而出之

袗單也葛之精者曰緝纏者曰緜表而出之謂先著裏衣表緝綸而出之於外欲其不見體也詩所謂蒙彼緜緜是也

只重間色不正不近于婦人女子

只重間色不正不近于婦人女子

只重間色不正不近于婦人女子

參蒙引當暑著絲綸単衣也必先着裏衣表絲綸

而出之于外蓋暑服宜于輕淺而不宜見體也

析講祫絲綸衆人所同夫子之異于人處在必表而出之上

## 緇衣羔裘素衣鹿裘黃衣狐裘

麌研吳反

緇黑色羔裘用黑羊皮鹿子色

白孤色黃衣以褐裘欲其相稱

參序冬有裘羔裘朝服則用緇衣以褐之鹿裘聘享之服則

用素衣以褐之狐裘祭服則用黃衣以褐之取色之相稱也

公服之裘如此

析講衣在裘上而裘之美則褐乎外故曰褐然弗下認褐本爲公服蓋褐衣之外尚有裘衣襲衣之外方有正服也新安陳氏曰裘之上加单衣以袒褐見裘之美故曰褐加全衣重襲于褐衣上以掩蔽其美曰襲○朝覲緇衣取北面之意而尚黑聘用素衣取潔素之義而尚白蜡祭用黃衣取報上功而尚黃○存疑禮襲裘不入公門○玉藻曰裘之褐也見美也

○折衷此皆公服故下條言裘裘以別之○羔裘緇衣以褐之是羔裘褐用緇衣明其上正服亦緇色也下二句亦然大

## 裘裘長短右袂

長去一聲

長欲其溫短右袂所以便作事

參序裘裘則加長以取溫而稍短右袂以便作事皆從其宜也

析講趙氏曰此私居所着之裘

## 必有寢衣長一身有半

長去一

齊主於敬不可解衣而寢又不可著明衣而寢故別有寢衣其半蓋以覆足程子曰此錯簡當在齊必有明衣布之下謂如此則此條與明衣變食既得以類相從矣

合參齊宿致潔必別制爲寢衣以防乎寢而寢衣之制則長一身又加半焉以覆足也

析講此條從程入下章新安陳氏曰齊寢不以衾致嚴也半以覆足可寢不可行耑爲齋之寢衣也

## 狐貉之厚以居

狐貉毛深溫厚私居取其適體

參大全出以輕裘爲便若居不厭溫則取狐貉

之皮毛深厚者以爲燕服其私服之裘如此

析講蒙引狐貉之厚謂裘也顧麟士曰此上三條冬服之制

## 去寢無所不佩

聲去上

君子無故玉不去身觴礪之屬亦皆佩也

參達說服有佩也居寢之時去文就簡非所宜佩若已免寢

乃去凶卽吉之時也必玉以象德器以備用無所不佩焉佩

服之用有如此

析講大全蔡氏曰按王藻云孔子佩象環五寸而綦組綬此

明去喪則佩

有疑王藻陳氏註曰古者有德佩有事佩德佩則左右皆玉玉聲鏘鳴事佩則左

紛悅右玦桺之屬○紛悅拭物之巾

## 非帷裳必殺之

殺去

朝祭之服裳用正幅如惟要有裳積而旁無殺縫其

餘若深衣要半下齊倍要則無裳積而有殺縫矣

參大全衣必有裳也朝祭禮服取其方正裳用正幅而人身之要爲小故于兩旁爲裳積若非正服之惟裳則不用裳積而旁有斜裁之殺縱其制上窄下寬腰必殺下至一生蓋不惟省乎費且以別乎公也此裳服之異其制也

析講襲積卽今褶也宋子曰惟裳如今之褶是也裳積卽

是襍處耳其幅自全安得謂近腰者有殺縫耶○非惟裳是

燕居見賓等服不如朝祭之森嚴故

必殺之其餘若深衣言凡裳皆然也

## 羔裘玄冠不以弔

喪主素吉主弔必變服所以哀死

合參羔裘朝服玄冠祭服用之于吉故不以弔弔必變爲素服盡其哀死之情也服制之謹于弔者如此

析講折衷此言謹弔死之服制

麟士云按曲禮羔裘玄冠

四書工角 卷之十  
夫子不以革故知此等皆非況論也

三十七

## 吉月必朝服而朝

吉月，月朔也。孔子在魯致仕時如此。○此一節記孔子衣服之制。蘇氏曰：此孔氏遺書雜記曲禮非特孔子事也。參折衷夫子當致仕時，不在位至每月之朔必朝服，以朝于魯君。不以致仕而廢臣禮也。服制之謹于朝者，又如此。析講服者，衣冠冕裳之總名。致仕時人多不朝，惟夫子謹之。若未致仕時，乃常禮，自不必詳。○言謹見君之服制。總見夫子衣服之制，或有所必爲，或有所不爲。無中不合，千禮者。

## 齊必章全首

此章重四必字見謹齊之意明衣寢衣以潔其體變食以潔其口遷坐以登其心

## 齊必有明衣布

齊則皆反

齊必沐浴，浴竟卽著明衣，所以明潔其

體也。以布爲之。此下脫前章寢衣一簡。

參折衷齊必沐浴取其潔也。若仍襲服若干汚矣。故浴

竟必著明衣而衣則以布爲之。蓋尚其質不尚其華也。

## 齊必變食居必遷坐

析講集註此下脫前章寢衣一簡。○明衣以其致精明之德用布以其有齊素之心

變食謂不飲酒，不茹葷，遷坐易常處也。此一節記孔

子謹齊之事。楊氏曰：齊所以交神，故致潔變常，以盡敬。

參集解齊之日必食改常饌，居易常處，所以敬也。可

見夫子之齊，衣服食息之間，無不致其謹有如此。

析講總註致潔謂明衣寢衣變食

常謂變食遷坐以盡敬總承之

## 食不章全首

此章在不食斷上是飲食之制下是因飲食而賴記之。○黃氏曰：飲食以養生，故欲其精，然亦能

傷生，故惡其敗，至于失節，縱欲無不致其謹焉。

聖人一念之微，莫非天理。學者不可以不戒也。

## 食不厭精膾不厭細

食音

食飯也，精鑿也。牛羊與魚之腥，而切之，爲膾。食精，則能養人。膾，則能害人。不厭，言以是爲善，非謂必欲如是也。

合參飲食所以養生。吾夫子則有一飲食而不苟者。十食雖非必求其精而不厭其精于膾雖非必求其細而不厭其細食之益于人者聖人所不去也。

析講兩不厭無期必于心但遇之而不厭無口腹之欲也。

備考朱子謂精爲鑿鑿與糲同。說文云糲米一斛春八斗精米也。則精糲異矣。禮太傳云牛與羊魚臠而切之爲膾麋鹿爲菹野豕爲軒皆臠而不切膾爲辟雞兔爲肫脾皆臠而切之。內則註細樓切者爲膾大片切者爲軒。○首節是善其養生。

失飪不食不時不食。食餧之食音嗣餧於冀。

反餧鳥遷反餧而甚反

餧飯傷熟濕也。餧味變也。魚爛曰餧肉腐曰敗色惡臭惡味敗而色臭變也。飪烹調生熟之節也不時五穀不成果實未熟之類此數者皆足以傷人故不食。

參大企食餧而傷于熟濕又或餧而味變則不食魚飯于內而肉敗于外則不食不但既敗則變色而惡臭味變其常而

割不正不食不得其醬不食。

惡則不食失人事烹飪之宜則不食凡物天時未足則不食食之傷于人者聖人不取也。

析講大全吳氏曰色惡臭惡廣言衆物朱子曰不時不食漢

詔所謂穿烟萌芽箭養強熟之類。達說只依誣承未敗言亦無害失飪生熟並言要亦生而不熟耳。○二節成其傷生

者無害於人但不以贍味而苟食耳。有所宜不得則不食惡其不備也。此二者無害於人但不以贍味而苟食耳。

參大全夫子凡物必以正若割肉不方正不食飲食各有所宜。醬之爲品非一古之制食者使人食某物則用某醬皆有意義不是氣味相宜必是相制不得之則非特不備食之亦必有害不食其肉食之不荷如此析講不正不食異其心之所存也不得不食惡其味之不備也不得其醬非無醬也用醬各有所宜用以相制非徒调味而已。

禮記內則濡雞酢醬實蓼，濡魚卯醬實蓼，卯鄭氏讀于

爲鮓魚子也以魚子爲醬焉醤醯實蓼魚臉芥醬茱腥醤  
醬大全朱子曰醬非今所謂醬如內則中數般醬隨其用而不同○三節雖不傷生亦不苟食

## 肉雖多不使勝食氣惟酒無量不及亂

食音嗣量去聲

食以穀爲主故不使肉勝食氣酒以爲人合歡故不爲量但以醉爲節而不及亂耳程子曰不及亂者非惟不使亂志雖血氣亦不可使亂但淡泊而已可也

參太全人之養生以穀爲主以肉爲輔肉氣勝則滯穀氣夫子不使多肉勝穀食氣者養生之理當然也酒以爲人合歡而人之飲量各有不同也故不預爲之量但以醉爲節而不及于亂德亂儀其飲食之有節如此析講無量夫子不自爲量也大段重不及亂亦不甚重無量也無量與上雖多對不及亂與上不使勝食氣對總明飲食之節耳○四節雖當食當飲者亦有酌量○恭覺軒曰詩中如既醉如賓之初筵未嘗不言醉但醉甚至于亂戒儀則爲失耳

## 沾酒市脯不食

沾市皆買也恐不精潔或傷人也與不嘗康子之藥同意參邢疏膾不自作未必謂膾脯不自作不知何物之內故凡沾者市者皆不食恐其傷人也

析講酒當言飲而亦云不食者因脯而並言之耳○五節衛生之體

## 不撤薑食

薑通神明去穢惡故不撤

參序薑味辛微溫人服去寒氣通神明故每食常設而不撤食者不多惟理是從養生之周也

# 祭於公不宿肉祭肉不出三日不食之矣

助祭於公所得胙肉歸卽頤賜不俟經宿者不留神惠也家之祭肉則不過三日皆以分賜蓋過三日則肉必敗而人不食之是喪鬼神之餘也但比君所賜胙可少殺耳。參序助祭于公所得胙肉不待匱宿卽以頤入不留神惠也。自祭于家之肉不出三日卽以分賜于人蓋出三日則肉必敗而人不食之矣是喪鬼神之餘也其頤食有當可之節祀此折講蒙引出三十日則不食矣此詳者推夫子之意也。

# 食不語寢不言

答述曰語自言曰言范氏曰聖人存心不他當食而食當寢而寢言語非其時也楊氏曰肺爲氣主而聲出焉寢食則氣塞而不通語言恐傷之也亦通。

參邢疏左食不語雖問及必有待而答寢息

宜靜故不言言語各有其時故夫子謹之

析講夫全朱子曰食對人寢獨居故卽其事而言之蒙引

# 雖蔬食菜羹瓜祭必齊如也

食音嗣陸氏曰魯論瓜作必○古人飲食每種各出少許置之豆間之地以祭先代始爲飲食之人不忘本也齊嚴故貌孔子雖薄物必祭其祭必敬聖人之誠也○此一節記孔子飲食之節謝氏曰聖人飲食如此非極口腹之欲蓋養氣體不以傷生當如此然聖人之所不食窮口腹者或反食之欲心勝而不暇擇也

參夫全夫子每食雖蔬食菜羹之薄者亦必祭祭必齊如蓋無不祭之食無不敬之祭也其每食有重本之誠如此合而觀之聖人飲食之一節無不中禮不惟可以養生亦可以養德何莫非道之所 在歟

析講夫全陳氏曰凡字作必爲是○古席地而坐置豆于地故置祭物于豆間之地○麟土云曲禮註古人祭酒于地祭食于豆間有板盛之卒食撤去○蔬食粗飯也或作蔬食誤○上三節是就飲食而推其餚類報本向晦通幽無非見聖人之謹也

席不正，全旨

言聖人心安于正，卽一坐至亦不苟，要見細行必於意。

## 席不正不坐

謝氏曰：聖人心安於正，故於位之不正者雖小不處。雜序夫子隨在必以正，若席或偏向不正則不坐，雖小不苟也。析講席依戶牖而設與官室相向東向西向以南方爲上，南北向北向以西方爲上，此以方爲正者也。有憂者側席而坐，有喪者專席而坐，此以事爲正者也。說本燕禮及大射禮大全葉氏○輔慶源曰：形于外者雖不正，不處則存于中者密矣。

鄉人章全旨

上節尊高年，下節重古禮。

## 鄉人飲酒杖者出斯出矣

杖者老人也，六十杖於鄉未出，不敢先，既出，不敢後。

卷六

太子全夫子與鄉人飲酒，其時少長咸集，必待年老而杖者。

## 鄉人饑朝服而立於阼階

饑乃多反

饑所以逐疫，周禮方相氏掌之，阼階東階也。饑雖古禮而近於戲，亦必朝服而臨之者無所不用其誠敬也。或曰：恐其驚先祖五祀之神，欲其依而安也。○此一節記孔夫居鄉之事。合參古者季冬王命人大饑以逐邪疫之氣，禮雖古而近于戲，夫子以爲鄉人爲我而饑我，則主人不可慢也。于是朝服而立于東階之位，以待之，蓋致其誠敬。○以葉王命以盡主道也。析講朝服乃當時有官者之常服，非如今制之大慶賀朝服也。○麟士云：或只如今人言公服。○上條鄉人飲酒句亦當說，有聖人在內也。○大全夏官方相氏掌蒙熊皮黄金四目。

位上衣朱裳熟弋揚盾帥百乘而時饑以索室殿疫備考月

令季春命國饑九門饑穀以畢春氣仲秋天子乃饑以達秋氣季冬命有司大饑旁礮出土牛以送寒氣謂之大饑者下及庶民庶皆得饑也按季春之饑天子諸侯得爲之仲秋之饑假天子得爲之此則季冬之大饑也翼註近于戲三字不虛蓋其事近戲却以嚴肅臨之方見聖人不輕視古禮處

問人章全旨

此章以交道爲主上節重拜送下

節重拜受及直言上而謹疾意輕

問人於他邦再拜而送之

拜送使者如親見之敬也

合叅天子所交之人或遠在他邦遣使問之則于使者之行再拜而送之如親見其友之敬焉其誠意之見于遣使者如此

析講大全輔氏曰使者所以將我之命

往見其人拜而送之則如親見其人

康子饋藥拜而受之曰丘未達不敢嘗

范氏曰凡賜食必嘗以拜藥未達則不敢嘗受而不飲則虛

人之賜故告之如此然則可飲而飲不可飲而不飲皆在其中矣楊氏曰大夫有賜拜而受之禮也未達不敢嘗謹疾也必告之面也○此一節記孔子與人交之誠意

合叅夫子有疾康子使人饋夫子以藥夫子則拜而受之以盡受賜之禮復以直告曰丘尚未達藥性之所宜果合吾疾

否故不敢先嘗耳其誠意之見于受饋者如此

析講古者賜之車則乘以拜賜之衣服則服以拜賜之飲食則嘗而拜之○直告之則我意達于彼而彼心亦不惑于我雖不飲而亦不虛其賜矣謹疾不係與人交事不重○不可說夫子有賜于士益康子特孔子

以大夫告老矣故託以交道言

鹿焚章全旨

即此可見仁民愛物之有別要知退朝

非不受馬然恐傷人之意多故未暇問蓋貴人賤畜理當如此

叅集解孔子之家牧馬之鹿焚子左自君之朝退而來歸始

聞之時卽問曰傷人乎而不問馬夫服及也蓋仁民愛物雖夫子不忍之本心而一時惻隱之發則于人切而于物緩此可以見聖人用愛之本心矣夫豈作意而爲之哉

析講不問馬一句記者之言也刑氏曰孔子家既也以退朝知之蒙引畢竟亦問到馬只是初聞既楚時獨問人而不及焉迥出常情之外此門人所以謹記之也

君賜章全旨

首節受賜之禮次節侍食之禮三節恭君視疾之

禮四節承君召之禮總見夫子爲臣止敬而足以

立臣道之極

君賜食必正席先嘗之君賜腥必熟而薦之君賜生必畜之

食恐或餒餘故不以薦正席先嘗如對君也言先嘗則餘當以頤賜矣腥生肉熟而薦之祖考榮君賜也畜之者仁君之患無故不敢殺也

合恭夫子事君蓋無在不盡禮焉如君或賜之以熟食則必正其席而一一先嘗之如對君焉然後以其餘頤賜家人所

所以仁君之惠也夫子受君之賜其禮有如是

析講或問不正不坐豈必賜食而後正之朱子日至此又正以爲禮也豈先爲不正之席至此而後正之哉蓋敬慎之至耳○饑氏曰賜食當先奉親子先嘗之時已熟也○曲禮曰

餽餘不祭蒙引只云先嘗便知其不以薦

侍食於君君祭先飯

食扶晚反

周禮王旦舉膳夫授祭品嘗食王乃食故侍食者君祭則已不祭而先飯若爲君嘗食然不敢當客禮也參序夫子侍君之側而君或賜之食時君祭先代羹食者則已但先飯若爲君嘗食者然蓋避客禮而以膳夫當食之禮自處也是侍君之食其禮有如此

析講邢疏敵客則得先自祭降等之客則後祭若臣侍君而賜之食則不祭若賜食而君以客禮待之則得祭雖得祭又

須君命之祭乃敢祭也此言君祭先飯是而非客之禮也  
禮注云王日一舉者殺牲盛餚日舉每自一一番盛饌也膳夫  
授祭者飲食必祭授王所祭之物也品嘗  
食者每品物首先嘗之示無毒也王乃食

### 疾君視之東首加朝服拖紳

徒我反

東首以受生氣也病卧不能著衣束帶又不可下  
以裹服見君故加朝服於身又引大帶於上也  
參集解夫子疾若來視之則遷處南牖之下東首加朝服拖  
以大帶不敢不衣朝服見君雖不能興不敢忘恭也其不以  
疾而廢禮如此

### 君命召不俟駕行矣

折講輔慶源曰一息尚存不敢廢禮况有疾而君視之乎加  
朝服拖紳禮之變也亦禮之宜也然亦必病不能支方可如  
此陳新安曰天地生氣始於東方○東首不重只重下句  
參序夫子爲大夫時君有事以命召之則不待駕車而先徒

### 入太廟每事問出

步行矣急君命也其不以勞而廢禮如此  
析講王藻云君召以三節二節以走一節以趨在官不俟駕  
在外不俟車註官謂朝廷治事處也外謂其室及官府也在  
官近故云履在外遠故云車

### 朋友死無所歸曰於我殯

朋友以義合死無所歸不得不殯

朋友章全旨此章以義爲主上節是義重而生死不下下節是  
義重而財利爲輕義所當薄不可辭義所當受不  
必拜總見夫子立友道之極

析講胡氏曰此節獨記曰字必嘗有是事入莫知所處而夫  
子有是言也古者三十日而殯三月而葬但曰殯  
而不曰葬則其親在遠必訃告之未及故也

# 朋友之饋雖車馬非祭肉不拜

朋友有通財之義故雖車馬之重不拜祭肉則拜者敬。其祖考同於已親也○此一節記孔子交朋友之義。

卷序朋友之饋我者雖車馬之重非祭肉比

皆受之而不拜其處友之交際而合義如此

析講邢疏此輕財重祭之禮也○麟士云大意只重車馬不身拜祭肉取相形說耳○祭肉必拜者敬友之祖考不緣物之薄而廢禮也車馬不拜者朋友有交際之常不因物之重而過禮也合禮處便是義

## 寢不章全旨

首節二句是敬以處已見齊衰至有盛饌數句是敬以待人迅雷是敬以當天都要見容貌之變然

其變也乃所以不失其賞

## 寢不戶居不容

尸謂僵卧似死人也居居家容容儀范氏曰寢不戶非惡其類於死也惰慢之氣不設於身體雖舒布其四體而亦未當肆耳居不容非惰也但不若奉祭祀見賓客而已申申天天是也

## 見齊衰者雖狎必變見冕者與瞽者雖亵必以貌

合卷大子盛德之至發于容貌有隨時不同者寢所以休息易於放肆致氣散而神不聚夫子則情氣不形未嘗僵卧如戶焉居所以自如必事乎儀容則體拘而神不舒夫子則寢容閒適卽無事于容儀焉夫子容貌之變見于處已者如此析講聖人德盛仁熟雖寢與居自有常則也不戶如不肆也不容不拘也

狎謂素親狎喪謂燕見貌謂禮貌餘見前篇參序子見有喪而服齊衰者雖所素親狎之人必爲改變其常容况非狎者乎見冕而有眉者與瞽而不成人者雖在喪蓋哀喪尊爵殆不成人心之自然而然也析講洪氏曰雖少必作過之必超謂不相識者也雖狎必變雖亵必以貌謂素相比者也○狎以人言喪以地言變只改舊容有驚哀之意以親則加敬矣蒙引喪謂燕見非公所禮

法之場及稠人廣衆之中也

## 凶服者式之式負版者

式車前橫木有所敬則俯而趨之負版持邦國圖籍者式此二  
者哀有喪重民數也人惟萬物之靈而王者之所天也故

周禮獻民數於王王拜受之况其下者敢不敬乎合參夫子在車時遇凶服者則式之蓋凶服者乃君子之大變而夫子哀其所可哀耳有負持邦國圖籍者過必式之蓋版籍乃民數之所存爲王者之天而夫子特重其所當重耳析講周禮秋官司民掌管萬民之數自生齒以上皆畫于版男子八月女七月而生齒歲今天籍也歲登下其生死及三十年大比以萬民之數詔司寇司寇獻其數于王王拜受之登于天府邢疏式者車上之橫木男子立乘有所敬則俯而憑式遂以式爲敬名達說凶服卽子上

齊衰重言刊者此指在車時也

## 有盛饌必變色而作

敬主人之禮非以其饌也

## 迅雷風烈必變

合參人有設盛饌以進者子必改容而起蓋因其物可以知其禮之隆故致敬以答其禮非徒以其饌也是容貌之變見于待人者如此

析講陳氏曰若不敢當也怕然當之則爲不敬不知禮矣

迅雷疾也烈猛也必變者所以敬天之怒記曰若有疾風迅雷甚雨則必變雖夜必興衣服冠而坐○此一節記孔子容貌之變

參序時平天有迅雷烈風以作于上子必改常容敬天之怒也是容貌之變見于敬天者如此

析講大全王氏曰迅雷風烈天之威也天子嘗自察于天下諸侯卿大夫當自察于國士庶人當自察于身恐懼修省何可已哉存疑此敬天之怒非驚懼失火也

## 升車必正立執綬

升車章全旨

上節有敬容

下節無肆容

緩挽以上車之索也范氏曰正立執緩則心體無不正而誠意肅恭矣蓋君子莊敬無所不在升車則見於此也

合參當升車之初必正立以執緩而升焉夫升車執緩所有事也而立未必正則常人不免也夫子則體無不正而誠意

肅恭如此非敬德之容所著乎

析講麟士云總註記孔子升車之容則正立執緩已指在車時非但言方升也○劉上五日炤下節車中二字卽如經傳初升未嘗不妥立者立于車下執緩以升于車上也存疑重在正立上不少重執緩與肅不正不坐也

## 車中不內顧不疾言不親指

內顧回視也禮曰顧不過轂三者皆失

容且惑人○此一節記孔子升車之容

參序夫子既在車中時首不回顧口不

疾言手不親指既不失容又不惑人也

析講集解包曰前視不過衡輶窓視不過轂數○大全陳氏

日大夫得乘車觀瞻所係夫子謹之非勉而能蓋動容周旋

自中平禮其見于乘車者如王觀濟曰不內顧頭容直不外

## 色斯舉矣翔而後集

### 色斯章全旨

通章重時字色舉翔集卽得時處三嗅而作卽

時所契無非時也斯字而後字重斯舉去之迹也是見幾之

智而後集就之遲也是知止之明下

節証上節見鳥始終識去就之曉

## 曰山梁雌雉時哉時哉子路共之二嗅而作

又居勇反嗅許又反○邢氏曰梁橋也時哉言雉之飲啄得其時子路不違以爲時物而共其具之孔子不食三嗅其氣而起晁氏曰石經嗅作戛謂雉鳴也劉聘君曰嗅當作臭古聞反張兩翅也見爾雅愚按如後兩說則共字當爲共執之

義然此必有闕文不可彊爲之說姑記所聞以俟知者

參夫全夫子見雉如此遂奚嘆曰此山橋中之雌雉信得其時哉信得其時哉蓋謂時當飛而飛時當下而下咸合其宜也此時子路在側共而向之若有取之意雉乃三鳴而起焉此正色斯舉矣之一訛也雉一禽耳去就猶

得其時如此君子之去就何可不得其時哉

析講色舉翬集卽謂雉也若移山梁雌雉句冠于章首則辭意尤明矣○拔首二句精雉不當作凡鳥字又不可徑講雉

則當勞空懸講繢繢汙下文字靈奇

## 論語卷之五

早稻田大学図書館

011888004060